



Michigan state sung COVID-19 karh lo ding do nak hrang ah Governor Whitmer nih “Stay Home, Stay Safe” (“Inn um aw, Na Him ding”) timi executive order a rak sign asi. A ra ding mi zarh thum sung (a mal bik) ah Michigan sung um mi business pawl le minung hnatan nak pawl kha minung nunnak kilkhawi le nung ter nak hmun a si lo ah cun an za ten cawl ter tteh ding asi. Cun, Michigan mi zaten tla hnatan nak ah feh lo ngah lo, inn leng suak activity tuah, silole mah le inn sunsang dam nak hrang le humhim nak hrang a ttul mi sizung feh le ei inn lei ding bazaar kai ti silo ah cun inn leng suak lo in innsung ah um thluh ding asi.

NA TUAH THEI MI PAWL:

- Ei inn lei ding bazaar kai, silo ah inn leng rawl lei mi va lak
- A tul mi prescription sii lak ding pharmacy va feh
- Inn leng ih harh dam nak hrang tuah mi walking, hiking, tlaan, bike to
- Nang mah hrang le na duh dawt mi pawl hrang medical emergency an nei le sizung feh
- Na motor gas than
- State leng khawi tlawng mi pawl Michigan um nak inn ah rak tung sal
- Michigan state suak in mah um nak khua ah va tung sal
- Inn na zuat mi ramsa pawl inn leng vak/feh pi thei, an dam lole a tul daan vek in ramsa sibawi hnen ah feh pi thei

NA TUAH LO DING PAWL:

- Na hnatan nak hmun nih tuan lo ngah lo tu minung cazin ah a lo ret lo nan inn leng suak in hna tuan feh
- Minung tampi um nak hmun ah va tel ve
- Sizung, kum upa ret nak hmun le cu vek thawn bang aw mi um nak hmun dang ah mi va veh le va leng
- Mall le restaurant pawl ah feh

Ong lo theih lo ong tul mi minung um hnatan nak business pawl tla virus karh lo nak ah a cang thei tawk in tuah ding asi. Cu mi pawl cu:

- Hna tuan nak hmun feh lo in hnatan thei ding ah a cang thei tawk in tuah ding a si
- Hna tuan tu ding minung kha a tul mi mal te zet lawng ret ding
- Hna tuan tu pawl pakhat le pakhat kha pee ruk (six feet) hlat in um ter ding, cun line sung a ding mi thil lei cu customer pawl tla pakhat le pakhat neih aw lo ding in a cang thei bik in tuah ding asi
- Center for Disease Control nih tlun ding ti a sim mi pa khat le pa khat neih ten pawlkom aw lo daan (social distancing practices) a dangdang tla thlun ding asi

Himi a karh mi damlo nak thawn pehpar ih thu le hla tu le tu a thleng awk asi. Netabik suah mi thu hla pawl kha [Michigan.gov/Coronavirus](https://www.michigan.gov/Coronavirus) le [CDC.gov/Coronavirus](https://www.cdc.gov/Coronavirus) ah hlethlai thei asi.

State nih Coronavirus karh lo nak ziang tin an do ti thawn pehpar in thu sut duh um le, COVID-19 hotline kha 1-888-535-6136 ah zing 8am in zaan lei 5pm tiang phone call thei asi.